

(*Commemoriali I, pag. 85*).

Questo ee lo dano cee (*che*) Marco Michel lo tataro e (*ha*) ricevuto in Cipro e pchè forma. In lo mese de setembrio die II intrando corente ano Dni. MCCLXXXVIII. Eo Marco Michel si era in Famagosta et espetava una gamela (*specie di barca*) in la qual io Marcho si aveva cargado sacchi XVIII de coton dalapo (*d'Aleppo*) e sporte VI de zenzero liebedi (*levadi*) in la ziaza (*Lajazzo*) et spettando sta dicta gamela, Nicolò Zugno si me fe a saver ce una galia armada de zenoesi la qual si era armada Francescin de li Grimaldi lo qual se rio homo e torave la roba ad amisi e a nimisi, si era a Limisa (*Limisso*) per venir inver Famagosta. Et de presente si andè (*andai*) dal castelan de Famagosta lo qual anomea s. Guuelmo de Mirabello et sibi domandè parola d'armar uno panfilo per mandar incontra la dicta gamela per darli a saver de sta dita galia de su. en ogna parte de l'isola de Zipro che sta gamela se atrovase cela (*che la*) de presente descargase in tera questi dicti sachi XVIII de coton et sporte VI de zenzevre. Lo dicto castelan si me dè parola d'armar lo panfilo eciandio si me dè una litera che li mandava alo balio del cavo de santo Andrea lo qual anomea s. (*ser*) Zervasio recomandandoli ste me cose, se ocorese che questa mia gamela se descargase le dite mie cose a tera, mandè (*mandò*) lo dito panfilo al paron de la dita gamela lo qual anomea s. Arigo de braze pisan e mandeli una lra in la qual se conten. ce. (*come*) dise lo scritto de su. Lo dito panfilo armado anda e si trova la dita gamela in mar sovra li Pistachi, e dele la mia letera; lo dito paron de presente si fe secondo ce se contegnia in la letera ceo (*che io*) li mandava per lo dito panfilo et si anda al cavo de li Pistachi e si descarga la mia zente in tera sachi XVIII e le VI sporte de zenzevre, le V si mise in fra tera per se, la sesta sporta si mete in lo panfilo armado e si me la manda a Famagosta et mandame a dir come lo aveva descargado in tera tute le mie cose salvo sta dita sporta et ch'eo venise al cavo dito del Pistachi p. far condur le me cose a Famagosta e che la galia de Franzeschin de li Grimaldi si vene al Pistachi e